

Na osnovu člana 4. Okvirnog sporazuma za NABAVKU ROBE: JN 04/19 **NABAVKA GORIVA u 2019.**, godini br. 07-01-82/19 od 06.02.2019. godine zaključenog između JU "Djeca Sarajeva" Sarajevo kao ugovornog organa i firme „BH Petrol Oil Company” d.o.o Sarajevo, kao izabranog ponuđača a nakon sprovedenog konkurentskog postupka za dostavu ponuda javnih nabavki robe JN 04/19 **NABAVKA GORIVA u 2019. godini**, dana 06.02.2019. godine **zaključuje se**

**UGOVOR O NABAVCI ROBE
NABAVKA GORIVA
ZA 2019.god**

Između

1. JU "Djeca Sarajeva" Sarajevo (u daljem tekstu: kupac) ulica La Benevolencija br.4, ID broj: 4200388610003, koju zastupa Jasmina Čongo, direktor.
i

2., 2., „Petrol BH OIL Company” doo SARAJEVO (u daljem tekstu: prodavac) sa sjedištem u ul. Tešanjka 24 A/II Sarajevo, Identifikacioni broj: 4200505350000, PDV: 200505350000, transakcijski račun: 161-000-00007800-85 kod REIFFEISENBANK, a kojeg zastupa Gregor Žnidaršič, direktor.

Član 1.

Ovim Ugovorom ugovorne strane regulišu pitanja vezana za realizaciju nabavke ROBE: Nabavka goriva u 2019. godini za potrebe kupca.

Član 2.

Kupac se obavezuje da će uputiti narudžbenicu prema prodavcu radi nabavke robe definisanih tenderskom dokumentacijom prema cijenama prihvaćenim u postupku nabavke u ukupnoj vrijednosti **8.600,00 KM** (bez Pdv-a).
Kupac zadržava pravo sukcesivne nabavke do iznosa vrijednosti robe definisanim stavom (1) ovog člana.

Član 3.

Prodavac se obavezuje da će na objektima prodavca obezbijediti sukcesivno snabdijevanje vozila gorivom od 00 do 24 sata, 365 dana u godini. Prodavac nije odgovoran za produžavanje roka isporuke, ukoliko su rezultat više sile i prouzrokovani mimo prodavčeve kontrole.

Član 4.

Mjesto isporuke roba: **pumpa ponuđača**

Prodavac se obavezuje da će isporučena roba u svemu odgovarati traženim karakteristikama iz specifikacije ponude. Prodavac zadržava pravo promjene cijene, zavisno od uslova nabavke goriva na svjetskom tržištu i promjene kursa KM/USD, te eventualne promjene zakonskih propisa o visini državnih dadžbina ili uvođenja novih dadžbina, o čemu je dužan pismeno obavijestiti kupca i dostaviti odobrenje Federalnog ministarstva trgovine.

Član 5.

Kupac se obavezuje da će izvršiti plaćanje isporučene robe prema prodavcu u roku od 60 (šezdeset) dana po ispostavljanju fakture za plaćanje.

Član 6.

Svaka od ugovornih strana može jednostrano raskinuti Ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.